

Ti xroon níxin tsíkjin

Juan

¹*Janhan mé ti nkexro táda t'ayakohen nínko mé ikjian ti xroon i ts'áyéhe ti ch'in Gayo, ti nkexro chaxín tjuahá.

²Kíchóni, tjáncháha Díos kixin sincheñao ch'an ti jaha la jína chrók'uaxrje kaín ixra ich'e la ko jína chrókjuak'e.

³Imá kóchána ti ó ikui iso ti sin kíchóni chrónka sin kixin jína tjákoxián ti itan chaxín. ⁴Kohya ijnko nkehe antsí nchechàna ke ti chrókuihan kixin ti sin t'íkuan éxi xjana la tjejótitekaon sin ti itan chaxín.

⁵Kíchóni, chaxín jína tjech'e xra tjínkítsa ti sin kíchóni la ko antsí tjínkítsa ti sin tsíkjinín ókjé chjasin. ⁶Andá ti tsíkónkotsé ti sin kíchóni la tsíchronka sin kixin nkexrín tjehé ti jehe sin. Tjanahaha kixin chrókjuinkítsa ti íchr'en nkehe tichánxihín sin ti sátsji sin kixin xíkaha tóxríhín Díos. ⁷Ti ó xránkíxixín sákjuí sin kixin tsochronka sin itén Ìnchéni la chrohya sin ts'áyéhe sin ninkehó nkehe kuènté ti sin

chónhña Díos. ⁸Méxra jeheni ticháxin chrókjuinkítsani ti jehe sin kixin antsí tsjacha sin tsjako sin ti itan chaxín ndoá.

Nduáhya kjuako ch'in Diótrefes

⁹Janhan ikjian xroon t'áyéhe ti sin tónkotsé ntiha. Kjánchó ch'in Diótrefes kuítekakonhña ch'an ti nkehe k'uetuahan ch'an kixin tjinkaon ch'an chrók'uetoan ch'an jehó ch'an. ¹⁰Mé xíkaha tsjasán ntiha tsonixjahá ch'an kixin ti kjuach'ia ndáchro ch'an t'ándaxíhín ch'an ti jeheni. Jehya táhó ich'e ch'an. Kjáxin tjajonhña ch'an kjuachaxin ts'ejó ti sin kíchóni tjiji; andá ti sin tjinkaon chrókjuajon kjuachaxin la tjajonhña ch'an kjuachaxin tsochjina sin ti nínko ntiha.

¹¹Kíchóni, chrókjuákoxiñhña ti nkehe jínahña. Ícha jína chrókjuákoxián ti nkehe jína. Ti nkexro tjákoxin ti nkehe jína mé kuènté Díos. Andá ti nkexro tjákoxin ti nkehe

jínahña mé tsík'ikönhña sin
Díos.

**Jína tjakoxin ti
ch'in Demetrio**

¹² Kaín sin ndáchro sin kixin
jína tjakoxin ti ch'in Demetrio
la chaxín tíha. Kjaxin jeheni
chrónkani tíha la ko jahara ó
nohara kixin chrónkani ti nkehe
ndoá.

Kjuixixín nixja ch'in Pablo

¹³ Janhan chonta nchónhña
nkehe tsondáxrjan, kjánchó
tjínkakhña tsokjian ó ¹⁴ kixin
tjínkəoan ts'íkuan ti jaha, ndá
itsjoni.

¹⁵ Kjuaxróxin chrókjuak'e jaha.
Kaín ti nkexro choxián ntihi la
nixjaha sin. Nixjehé nkojnko ti
sin chóxini.